

**Date – 17/02/2026**

**Time - 18:30 -18:40Hrs**

**AKASHVANI AIZAWL**  
**REGIONAL NEWS BULLETIN**  
**HEADLINES ( EVENING )**

1. Mizoram Legislative Assembly vawi 9-na Budget Session chu vawiin chawhma dar 10:30 khan Speaker Pu Lalbiakzama kaihhruaia tan a ni.
2. Larsap General VK Singh-a'n CM's Special Package chu a dawngtu an tam zawk theih nan cheng sing 5-ah tihhniam a ni a ti.
3. Sorkar laipui sum cheng vbc 43 leh nuai 83 senga dawh, Lengte kai Tlawng lei Faith Bridge tia a hming vuah chu vawiin khan Chief Minister Pu Lalduhoman a hawng.
4. Union Minister for Agriculture & Farmers Welfare Shivraj Singh Chouhan chuan vawiin khan digital hmanga loneitute puihna tur Bharat Vistaar chu Jaipur atangin a tlangzarh.



**GOVERNOR**

Mizoram Legislative Assembly vawi 9-na Budget Session chu vawiin chawhma dar 10:30 khan Speaker Pu Lalbiakzama kaihhruaia tan a ni.

Session tan ni ah hian Larsap Gen. Vijay Kumar Singh chuan thusawiin, ram hruaitu thiam tak te kaihhruaia hnuai Mizoram chu remna leh muanna awmna hmun a ni chhunzawm zel tih sawiin harsatna tam tak karah ei leh bar zawna kawngah huapzo takin hmasawna hmuh zel a ni chu lawmawm a tih thu a sawi a, hmahlir fiah tak leh theihtawp chhuahna chuan engtikah emaw chuan Mizoram chu remna leh hmasawna state entawntlak takah a la siam ngei a beisei thu leh mi naran ten an suangtuahna a tak rama an chantir theih tih lantirtu a nih ngei a beisei thu a sawi a ni.

Larsap chuan a kaihhruai sorkar inrelbawlna chuan kawng tin rengah hna thawk tha, langtlang leh mawhphurhna la ngam ni turin theihtawp an chhuah a ti a, a kaihhruai sorkar tum ber chu lo lama eizawna, hmasawna ruhrel din leh kawng hrang hrang hmangin mahni a inngat state siam a ni tih sawiin mau leh tualchhunga hmanraw awm te hman tangkai a tum a ti a, Mizoram thalaite tana kutkawih eizawna programme leh infiamna bakah an thiamna tih hmasawn sak te chu an ngaihpaawimawh zual zingah a tel tih a ti a, tunhma atanga House ah nungchang

mawi leh zahawm tak hmanga sawihona chhuanawm tak an lo neih tawh thin chu member ten an chhawmnun zel a beisei thu a sawi bawk a ni.

March ni 16 thleng awh tur Mizoram Legislative Assembly 9-na thutkhawm vawi 6-na session-ah hian ni 26-ah kum 2026-2027 Mizoram budget chu Finance enkawltu chief minister Pu Lalduhoma'n a pharh ang.

(Corr: Maremi)

<><><>

## **ASSEMBLY- GOVERNOR**

Larsap General VK Singh-a'n Mizoram ramri ah venhimna khauh zawk kalpui a nih hnuah cheng vaibelchhe 1, 047 man hu ruihhlo man a ni a ti.

He thu hi vawiina Mizoram Legislative Assembly vawi 9-na thutkhawm vawi 6-na session a hawnaah sawiin, Larsap chuan sorkar tangka kum 2025-26 chhung khan Mizoram ramri kaltlanga dan kalha bungrua leh ruihhlo tawlhruk man chhuah a tam hle tih sawiin, hemi hun chhung hian Mizoram Police leh Central Force- Assam Rifles leh Border Security Force (BSF) te thawh hona hnuaiiah Mizoram leh state thenawm te inrina hmuna boruak sosanna hmun leh ram thenawm te nena inrinaah dan kenkawhtute chuan cheng vaibelchhe 1, 047 man hu ruihhlo an man tih a sawi a, ruihhlo bakah hian kuhva rah, zu, ralthuam, puakthei thil leh pwaisa lem te pawh man a ni a ti a, Mizoram Police ten rim taka dan leh thupek an kenkawhna hnuaiiah hemi hun chhung hian Mizoram chu a ralmuang hle tih a sawi bawk a ni.

Larsap chuan ruihhlo tawlhrukna leh ruihhlo hmansualna chu Mizoram sorkar chuan a ngaimawh hle tih sawiin, Mizoram Excise and Narcotics department chuan ruihhlo do kawngah nasa takin hma a la a, sorkar tangka kum kal mekah ruihhlo tawlhruk kaihhnawiah mi 653 an man a, ruihhlo tawlhruk kg 487 an man bawk a ti a,

Mizoram Liquor (Prohibition) Act, 2019 pawh khauh takin Mizoram ah kalpui a ni tih sawiin, nikum October thla atanga a taka kalpui a nih atanga December thla thleng khan zu kaihhnawiah mi 4, 532 man niin, thubuai 4, 915 ziahluh a nih thu a sawi bawk a ni.

Corr: Maremi

<><><>

## **GOVERNOR- CM SPL PACKAGE**

Larsap General VK Singh-a'n CM's Special Package chu a dawngtu an tam zawk theih nan cheng sing 5-ah tihhniam a ni a ti.

He thu hi vawiina Mizoram Legislative Assembly vawi 9-na thutkhawm vawi 6-na session a hawnaah sawiin, Larsap chuan a kaihhruai sorkar hmalakna hnuaiia sum leh pai, technical, infrastructure leh institution hmanga Mizoram mipuite thuamchakna tur Mizoram Bana Kaih Hand Holding Scheme chu a thawh hnihna kalpui a ni leh tawh a ti a, he scheme hnuaiiah hian Progress Partner engemawzat te hnenah loan pek tawh niin, Chief Minister's Special Package Grant hnuaiiah fund pek chhuah a ni tawh bawk a ti a, CM's Special Package chu a dawngtu an tam zawk theih nan cheng sing 5-ah tihhniam a nih thu a sawi bawk a ni.

Byte: Governor on CM's Special Package

Hei bakah hian Larsap chuan hmasawna daih rei leh tluantling a awm theih na turin Chief Minister's Bana Kaih Innovation Challenge din a ni bawk tih sawiin, he hmalakna in a tum ber chu inthlak danglamna hmuh theih leh hmuh theih loh thlen tir chung a Mizoram chhunga district, block leh khaw hrang hranga hmasawna hnathawhte inzawmkhawm tir a ni a ti a. Kum 2025-26 chhung khan Mizorama damdawilama inenkawl na chu nasa taka tihchak a ni tih sawiin, hemi hun chhung hian Sub-centre 17 sak zawh a ni a, NEC puihna hnuaiah Mizoram State Cancer Institute CT Simulator chu hman theih a dah a ni a, Mizoram Universal Health Care Scheme chu ICU, private cabin, O&G OTs, leh general ward hmang te in tihchangtlun a ni a, PG medical seat 10 hawn phalna an dawn bakah damdawi in khum (private bed) 30 leh ICU khum 13 hawn a ni bawk a ti.

(Corr: Maremi)



**CM**

Ministry of Road Transport & Highway sum cheng vbc 43 leh nuai 83 senga dawh, Lengte kai Tlawng lei Faith Bridge tia a hming vuah chu vawiin khan Chief Minister Pu Lalduhoman a hawng.

Faith Bridge hi Meter 100 a sei, Meter 7 leh a chanve a zau, a sir tawna mihring kalna tur Meter 1 leh a chanve-a zau footpath nei a ni a, rit Metric ton 385 chawi zo thei a ni.

A hawanna inkhawmah thusawiin Chief Minister chuan, kum 2024 December thlatir lamah khan a lei chhuat hi Crane hmanga hnuh kai tum a ni a, a khaina hrui pakhat a chat a, an hlawhchham ta a. Hun eng emaw chen an han inbuatsaih leh a, April ni 7, 2025 ah hnuhkai an han tum leh a. Contractor-ten Kristian puithiamin hlan hmasa se an ti a, Lengpui Pastor Rev. Lalchungnunga Hauhnarin a hlan a. harsatna tawk lovin, awlsam takin an hnuk kai ta a. A hminga Faith Bridge han phuah pawh hi a inhmev viau a ni a ti.

He lei hian awlsamna tam tak a thlen dawn a, state economy chawikanna kawngah a tangkai hle ang a ti.

Faith Bridge hawnaah hian PWD Minister Pu Vanlalhlana, Adviser to Cm Pu TBC Lalvenchhungam Minister dangte, Lok Sabha MP leh MLA eng emaw zat an tel a ni.

(DIPR)



**LADC**

Lai Autonomous District Council a MNF leh Congress thawkdun United Legislature Party Sorkar, CEM Pu C.Lalsawmzuala kaihhruai Sorkar chu fuke a inruahman chho mek a, vawiin khan Deputy CEM leh Executive Member 8 te Lawngtlai Bawrhsap Pu Donny Lalruarsanga'n intiamtirin a lalut.

Laklurna inkhawm hi CEM Office tual ah neih niin, Executive Member Pu K.Lalthanzara'n a kaihruai a, Bawrhsap chuan Deputy CEM, Pu Sanghuliana Mualchin lalut hmasaberin, a ni bakah hian MNF atangin Executive Member 5 leh Congress atangin Executive Member 3 a lalut.

Chief Executive Member Pu C.Lalsawmzuala chuan a kaihhruai Sorkar fukekima a dinchhoh nan Governor leh State Sorkar in theihtawp an chhuahpuina ah lawmthu a sawi a, Sorkar thar chuan ram leh mipui tan theihtawp a chhuah tur thu a sawi. CEM hian amah CEM, Deputy CEM leh Executive Member te hna chanpual tur a puang nghal a, Executive Member te hian Social Welfare changtu leh PHE changtu Pu HC Lalthawmliana te tihloh chuan vawiin vek khan an Office an luah nghal a ni.

(R Lalnggheta Lawngtlai PTC)



## **MPCC PROTEST**

Congress Party thalai vawiina Aizawl Vanapa Hall kawta pungkawm chuan ZPM sorkar chu Electric Bill tisang lo tura an intiamna bawhchhia ah puhin Electric bill an tisang chu mipui te zahlohna leh palzutna ani tih an sawi.

Mizoram Pradesh Youth Congress Committee chuan vawiin khan Vanapa Hall kawtah Electric Bill sang avanga mipui thlavang hauhna pungkawm huaihawtin electric bill xerox copy an hal a ni.

MPCC Senior Vice President Pu Ngurdingpuia Pachuau chuan nikum kum tawp lam atanga ZPM sorkarna hnuai uchuak taka electric bill sang avangin mipui te thlavang hauh nan pungkawm an huaihawt a ti a, mipuite eng chhit leh bill chawi a inmil loh nasat avangin chhungkaw tam tak an buai phah tih sawiin ZPM sawrkar chuan mipuite ah chhiah lak dan ringawt a zawng a ti a, sawrkarna an chan hmaa an intiamna bawhchhia ah puhin electric bill sang chu mipuite zah lohna leh palzutna ah an ngaih thu a sawi.

MPCC pungkawm chuan mipui harsatna sutkian niloa Mizoram Rohlu hralh ani zel chu pawl antih thu sawiin, Tuirial hydel Project pawh hralh tuma hmalak mek ani an ti a, Mizoram rohlu leh hmun pawimawh hralh chu MPCC in an dodal zel dawn tih an sawi bawk.

## **(Hruaia Aizawl PTC)**



## **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.



## **AAP**

Aam Aadmi Party Mizoram hruaitute chuan ZPM kaihhrui Mizoram sorkar chu anmahni intiam ang ngeia kalphung thara kal tura an phut thu an sawi a, party mi leh sa duhsakna uchuak ang chite chhawm nung zel tawh lo turin ZPM sorkar an ngen tih an sawi.

Vawiin khan Aizawl Press Club-ah thuthar thehdarhtute kawmin AAP Mizoram vice president Pu Lalngaihawma Pachuau chuan, ZPM kaihhrui sorkar chu anmahni intiam ang ngeia kalphung thara kal turin an phut tlat tih a sawi a, Mizoram chanchin-a adviser mamawh hnem ber Chief Minister Pu Lalduhoma pawh kum hnih chhung advise a dawn tawhte atangin ram leh hnam tan finna khawp a dawng tawh turah an ngai a, adviser 5 em em neih a tul tawh loh an beisei tih a sawi.

Board hrang hrang Chairman atana party hruaitute ruat leh hamthatna tam tak pek leh a kaihnawih avanga sorkar sum tam tak luangral thin chuan ram hmasawna a thlen ngai lo tih sawiin Pu Lalngaihawma chuan, kum 2 chhung ZPM sorkarin a lo kalpui chu duhtawk tawh tur leh a rang thei ang bera heng board chairman-te hi ban vek tura an phut tlat thu a sawi a; baord chairman atana party mite daih aiin sorkar hnathawk mithiamte emaw, thalai hna nei lote emaw merit list-a dah zawk turin an ngen tih a sawi bawk.

(PR)



**I&B**

Union Information and Broadcasting Minister Ashwini Vaishnaw chaun kum hnih chhungin ramchhunga AI huangah dollar tluklehdingawn 200 chuang sum peipunna lamah hman a ni ang a ti. Vawiina Idia AI Impact Summit 2026 -a chanchinbumite a kawmnaah he thu hi sawiin Pu Vaishnaw chuan tun Summit chu mipuiten an hlut hle tih sawiin ramchhung hmun hrang hrang atangin an lo kalkhawm a ti a. India chuan tangkai leh awmze nei taka AI hman anih theih nan khawvel ramdangte a sawipui dawn a ti bawk.

(Newsonair)



**UNION AGRI MINISTER**

Union Minister for Agriculture & Farmers Welfare Shivraj Singh Chouhan chuan wawiin khan digital hmanga loneitute puihna tur Bharat Vistaar chu Jaipur atangin a tlangzarh. He hmalakna hian a tum ber chu loneitute tan awlsamna thlente, theihna tam zawk pek leh an hriat awm thu pawimawh pekte a ni a. He platform hmang hian loneitute chuan mobile phone hmangin an hriat tur pawimawh awlsam takin an nei thei zung zung dawn a ni.

Thusawiin Union Agriculture Minister Chouhan-a chuan agriculture sector ah digital lama hmasawna ropui tak anih thu a sawi a. He apps kaltlang hian loneitute chuan mithiamte thurawnte, bazarpuia an thlai thar mante leh khawchinte an hre thei dawn a. Thingtlang khuaa digital thiamna sengluhna pawimawh tak a nih thu a sawi a ni. He hunah hian Rajasthan Chief Minister Bhajan Lal Sharma pawh a tel a ni.

(Newsonair)

